

重修兩淮鹽法志

兩淮鹽法志卷一百三十七

職官門

名宦傳

上

昔春秋既成左氏作傳發明之傳之名自此始蓋傳者
注也司馬遷自爲史記復分書羣臣之事謂之傳亦仍
左氏之舊以本紀爲經列傳爲注耳自後著述家有先
賢傳孝子傳高士傳皆自成書蓋有傳而無經矣

國朝方苞謂文士不得爲達官立傳必阨窮隱約

國史所不錄者然後爲之然諸行省通志暨郡縣志乘則
不拘窮達貴賤苟生是邦有名節足稱者皆可傳也嘉

慶志有名宦傳一卷茲承舊志而增減之分上下兩卷
唐得三人宋十四人明五十二人

國朝七十人庶後來者知人論世有以攷齟政興替之由
焉志名宦

唐

第五琦字禹珪京兆長安人少以吏幹進肅宗駐彭原
琦謁見卽陳今之急在兵兵強弱在賦賦所出以江淮
爲淵若假臣一職請悉東南寶資飛餉函洛惟陛下命
帝悅拜監察御史遷司金郎中兼侍御史諸道鹽鐵鑄
錢使鹽鐵名使自琦始

劉宴字士安曹州南華人肅宗時以戶部侍郎兼御史中丞度支鑄錢鹽鐵等使貶通州刺史代宗立復爲京兆尹戶部侍郎領度支鹽鐵轉運鑄錢租庸使始第五琦權鹽佐軍宴代之法益密利無遺入初歲收緡錢六十萬末乃什之計歲八千二百萬而權居大半

謹按汪柯玉云劉宴輕重之法自陳少游加賦包估高佑與李錡皇甫鏘進羨之說壞之盛庶王隨通商之利則又以趙瞻在河北章惇舒亶在湖南蹇周輔張壬澄在江淮壞之若王安石任盧秉蔡京任魏伯芻則尤有甚焉者矣

程異字師舉京兆長安人由監察御史爲鹽鐵揚子院留後王叔文貶彬州司馬李異領鹽鐵薦異心計可任乃授侍御史復爲揚子留後稍遷淮南等道兩稅使悉矯革徵利舊弊入遷累衛尉卿鹽鐵轉運副使方討蔡異使江表調財用因行諭諸帥府以羨贏貢故異所至不剝下不加斂經用以饒遂兼御史大夫爲鹽鐵使元和十三年以工部侍郎同中書門下平章事猶領鹽鐵以錢穀奮而至宰相身沒官第無留貲

宋

雷有終字道成涇化初厯度支鹽鐵副使時以江南嶺

外茶鹽價不一細民冒禁私販多陷重辟詔有終領江
淮兩浙荆湖福建廣南路茶鹽制置使就出鹽產茶之
地以便宜裁制

張綸字公信潁州汝陰人淳化閒除江淮制置發運副
使時鹽課大虧乃奏除通泰楚三州鹽戶夙負官助其
器用鹽入優與之直由是歲增課數十萬又築漕河隄
二百里於高郵北旁錮鉅石爲十礎以泄橫流泰州有
捍海堰延袤百五十里久廢不治歲患海濤冒民田時
范仲淹監西溪鹽倉具書白於綸奏上以仲淹令興化
董修築之役論者以爲濤患息而潦患興綸曰濤之患

多而潦之患少豈不可耶表三請身自臨役適大雨雪
驚濤洶湧役夫散走旋淖而死者百餘人於是羣譁言
以爲堰不可成朝廷遣中使按之將罷其役又命胡令
儀爲轉運使度可否會仲淹以憂去移書謂綸勿撓旁
議令儀力主仲淹議堰卒成西自鹽城北接山陽南抵
通泰海門綿亙數百里又置閘納潮以通漕海濱瀉漚
之地皆爲良田民得奠居立張范祠以祀之繼增祀令
儀爲三賢祠而咸稱其堰爲范公隄不忘所始也仲淹
其先邠人後徙吳令儀陳留人嘗宰海陵故熟知潮患
謹按西溪鹽倉卽南唐時海陵監也晏元獻殊呂文

靖夷簡皆先仲淹爲之功業皆不及范江淮旱蝗命仲淹安撫之開倉賑恤奏蠲折役茶江東丁口鹽鐵江淮民始終蒙其惠不獨一堰也

楊允恭綿竹人淳化四年以西京作坊司爲江南淮南兩浙發運兼制置茶鹽使請禁淮南十二州軍鹽官鬻之歲課增五十萬八千餘貫淮南十八州軍其九禁鹽地則上下其直民利商鹽之賤故販者益眾至有持兵器往來爲盜允恭以爲行法宜一卽奏請悉禁太宗從之

吳遵路字安道爲淮南轉運副使會罷江淮發運使遂

兼發運司事嘗於眞楚泰州高郵軍置斗門十九以蓄洩水利又廣屬郡常平倉儲蓄至二百萬

王子興字希孟密州莒人淳化中雷有終爲江浙荆湖茶鹽制置使奏子興爲判官轉太子中允改著作郎江淮兩浙制置茶鹽就轉太常博士眞宗卽位遷殿中侍御史因入對與三司論列利害以子興爲長轉度支員外郎子興以每事上計司移報稽滯求兼省職乃命爲鹽鐵判官仍領制置增歲課五十餘萬貫咸平三年就命兼充淮南轉運使子興久掌茶鹽周知利害裁量經制公私便之

李防字智周大名內黃人景德初爲江南轉運使淮南舊不禁鹽制置司請禁鹽而官自鬻之使兵夫輦載江上且多漂失之患防請令商人入錢帛京師或輸芻糧西北邊而給以鹽則公私皆利後采用之

謹按此後世中鹽之所昉

范純仁字堯夫仲淹次子皇祐元年進士治平中厯江東轉運判官疏言江淮諸路鹽價太高私販獲利轉厚所立刑名重於盜賊刑重則竭力拒捕務結羣黨乞別立指揮減價出賣將私鹽條貫重行刪定後拜尙書右僕射兼中書侍郎謚忠宣

徐的建州建安人仁宗時爲淮南江浙荆湖制置發運副使奏通泰州海安如皋縣漕河詔未下的以便宜調兵夫濬治之出滯鹽三百萬計得錢八百萬緡遂爲制置發運使復治泰州西溪河發積鹽

吳居厚元祐閒爲江淮發運使疏支家河通漕楚海之閒賴其利

汪綱字仲舉黟縣人淳熙中知高郵軍提舉淮東常平事淮東煮鹽之利本居天下之半歲久弊滋鹽本日侵帑儲空竭負兩總司課五十餘萬亭戶二十八萬借撥於朝廷五十萬又會餉所復鹽鈔舊制弗許商人預供

貼鈔錢鹽司坐是窘不能支綱挾摘隱伏凡虛額無實
詭爲出內飛走移易悉加曲防課乃更羨旣盡償所負
又贏金三十萬緡爲椿辦庫以備鹽本之闕添置新竈
五十所諸場悉復乾道舊額三百九十萬石通一千三
百萬緡課官吏之殿最綱約已率下辭臺郡之互餽獨
增場官俸以養其廉擢戶部員外郎總領淮東兵馬財
賦

李庭芝字祥甫應山人開慶元年主管兩淮制置使事
時揚州新遭火廬舍盡燬賴鹽爲利而亭戶多亡去庭
芝悉貸民負逋假錢使爲屋成又免其假錢凡一歲官

民居皆具鑿河四十里入金沙餘慶場以省車運兼浚
他運河放亭戶負鹽二百餘萬亭民無車運之勞又得
免所負逃者皆歸鹽利大興

元

郝彬字景文霸州信安人世祖時爲江淮財賦總管府
國家經費鹽利居十之八而兩淮當天下之半法日以
壞以彬行戶部尙書經理之彬請度舟楫所通道里所
均建六倉煮鹽於場運積之倉歲首聽羣商於轉運司
探倉籌定其所乃買券又釐定河商江商市易之不如
法者

陳思濟字濟民柘城人世祖至元閒兩淮鹽課不敷授思濟嘉議大夫兩淮都轉使奸弊盡革商賈通行歲課以足

敬儼字威卿易水人至大元年授左司郎中擢江南諸道行御史臺治書侍御史先是儼以議立尙書省忤宰臣適兩淮鹽法久滯乃左遷儼爲轉運使欲以陷之比至首劾場官之貪污者法旣大行課復增羨至二十五萬引河南行省參政來會鹽筴將以羨數爲歲入常額儼以亭戶彫敝已甚以羨爲額民力將殫病人以爲己非宰臣事遂止仁宗踐阼召爲戶部尙書卒諡文忠

許有壬字可用湯陰人天歷閒擢兩淮都轉運鹽使司
先是鹽法壞廷議非有壬不能集事故有是命有壬詢
究弊端立法而通融之國課遂登至順二年召參議中
書省事官至集賢大學士諡文忠

王都中字元俞福甯州人元統初朝廷以兩淮鹽法久
壞詔命都中以正奉大夫行戶部尙書兩淮都轉運鹽
使仍賜襲衣法酒都中旣至參酌前所行於兩浙者次
第施行之鹽法遂修尋拜河南行省參知政事至正元
年卒贈昭文館大學士諡清獻

明

周忱字伯如吉水人永樂二年進士正統初淮揚災鹽課虧敕忱巡視奏令蘇州諸府撥餘米一二萬石運至揚州鹽場聽抵明年田租竈戶納鹽給米時米貴鹽賤官得積鹽民得食米公私大濟歷工部尙書諡文襄

耿九疇字禹範河南盧氏人永樂二十二年進士官禮科給事中有清望正統初大臣言兩淮鹽法久壞宜得重名檢者治之於是擢爲鹽運司同知條奏便宜五事著爲令母喪去官場民數千人詣闕乞留十年正月起爲都轉運使政守如前以事誣逮下吏已得白留爲刑部右侍郎十四年以右副都御史整理兩淮鹽法至則

賑濟貧竈釐革積弊籤補逃亡鉤攷軍民侵占草蕩以
歸諸場政績益懋歷南京刑部尙書卒諡清惠

葉思銘字克新浙江義烏人正統七年以前軍都督府
經歷擢兩淮鹽運同知專理掣所事時耿九疇爲運使
同心協恭釐奸剔弊不畏強禦後俱被讒逮繫上知其
誣釋之復任思銘益以氣節自負不善事上官在任六
年致仕未及歸卒葬揚州保障河旁

蔣誠字性存江西大庾人進士正統十三年巡鹽兩淮
是時竈丁乏食請留江南糧萬石賑之正額外能輸鹽
一引者給米一石故正額旣充餘課亦積

王竑字公度河州人正統四年進士景泰中敕竑巡撫淮揚廬三府徐和二州又兼理兩淮鹽課先是鳳陽淮安徐州大水道殫相望竑上疏奏不待報開倉賑之至是饑民就食者眾廩不能給惟徐州廣運倉有餘積盡發之乃自劾專擅罪初帝聞淮鳳饑憂甚及得竑自劾疏喜曰都御史活我民矣歷兵部尙書諡莊毅准人立祠祀之

練綱字從道應天長洲人宣德乙卯舉人正統中上中興八策郾王監國以都御史陳鑑尙書俞士悅薦授御史景泰改元上時政五事巡鹽兩淮嘗奏鑄鐵摯公掣

放商竈兩平駙馬都尉趙輝侵利劾奏之權貴斂迹又偕同官應詔陳八事並允行綱侃直有聲時人稱爲鍊鋼口謫邠州判官卒

侶鍾字大器山東鄆城人成化二年進士授御史七年巡鹽兩淮政嚴肅厯戶部尙書時有戚里奏乞兩淮長蘆風雨消折官鹽之數欲因以規利者鍾執稱無有會歲報至由是得罪遂告歸

楊澄字憲父四川射洪人成化五年進士十五年巡視兩淮修泰州隄百餘里民以楊公隄稱之

雍泰字世隆陝西咸甯人成化五年進士知吳縣召爲

御史巡鹽兩淮凡竈丁無妻者皆爲婚匹約身清素貴客至不過二肉厯南京戶部尙書諡端惠

史簡字公儉河南洛陽人進士宏治元年巡鹽兩淮疏陳免追補減勸借黜奸頑時開中均草蕩定科差鑄盤鍤修河塘八事

徐鵬舉字九霄四川瀘州人進士宏治二年任運判先是南工部主事夏英建言運司同知副使判官當以進士英俊者爲之由是鵬舉始以進士除判官建社學以教竈民子弟作學訓示之清蕩地集逋竈暇日博求文獻創輯運司志未脫藁遷去

孫衍字世昌浙江餘姚人進士宏治三年巡鹽兩淮嘗
濬梁埭新開運鹽河賑貧竈清掣割緝私販條教明肅
榮華字公寶陝西藍田人進士宏治七年巡鹽以兩淮
逋課多乃請哀割餘鹽彌補其缺商竈賴焉

畢亨字嘉會山東新城人進士累官順天府丞宏治七
年謫運司同知九年遷運使躬視儀徵掣所擇經紀殷
厚者司其衡無敢低昂弄法諸監臨御史咸信重焉尤
留心學校創正誼書院拔商竈子弟延師講業其中又
建白塔河巡檢儀淮二所倉廩公廨厯官工部尙書
史載德字公著河南新鄭人進士宏治十二年巡鹽兩

淮稽引目印木桶招徠逃竈萬三千口建涵池竈房四千餘區廣立諸場社學興起商竈子弟又聘學官弟子員輯兩淮運司志

馮允中字執之湖廣郴州人進士薦擢監察御史宏治十三年巡鹽兩淮振憲綱除宿蠹在揚刻晞髮集自序有君子嗜義而殞身小人貪得而苟免語人謂不愧其言嘗忤劉瑾下獄得釋歸

劉繹字以成山西代州人進士正德五年巡鹽兩淮疏鹽法五事一曰處置未掣引鹽二曰計處食鹽供應三曰責任地方官司四曰禁革鹽徒源流五曰斟酌該年

引目事皆次第舉行雖劉瑾亦知其清苦

劉讓字堯仲江西新昌人舉人正德五年任兩淮運副居官廉白取費於家以所得俸錢置董仲舒祀田

朱冠字仲瞻河南固始人進士正德六年巡鹽兩淮嘗疏杜僥倖均榜派正行鹽地方明違限引目四事而均榜派尤切於時弊作誓亭於儀真批驗所自爲之記以訓於官

鄭氣字浩然直隸靜海人正德九年進士十三年由武城知縣選山東道御史十五年巡鹽兩淮所興革多中一時竊會疏遣各分司分場駐劄於亭戶尤便

李銳字抑之江西安福人正德十五年知岳州府遷兩淮轉運使時豪猾巨蠹爭先罔利銳一以法裁之書牘請託謝弗受以諸豪多乞餘鹽規利者乃召商增價自領所割餘鹽轉貨之諸奸計沮遂著爲令

張珩字佩玉山西永甯州人嘉靖三年巡鹽兩淮始以州縣官同司佐監掣二所宿弊盡釐羨課至百二十萬又劾宦豎王德午撓鹽法自是權倖憚焉

戴金字純夫湖廣漢陽人進士嘉靖五年巡鹽兩淮條陳鹽法利弊章數十上其最切者十二事曰通鹽法以資民用緩逋課以便商竈平鹽價以立定規清報中以

立限期節財用以厚國儲慎理財以重任使立分司以專職守慎考察以昭公道鑄盤鐵以資貧竈重死刑以伸律意慎充軍以申舊例懲積弊以清賦罰皆報可江淮爲之肅清

雷應龍字孟升雲南蒙化人進士嘉靖六年巡鹽兩淮性峭直不喜側媚廢諸淫祠撤五司徒銅像以祀胡安定改東岳廟以爲釋菜習儀之地禁私販必先約束官軍之倚法爲奸者議掣摯必求所以利於官而不病於民者會以勤勞卒於官郡邑復迎五司徒像故廟中李佶來繼應龍大怒立碎五銅像以鑄兩儒學祭器並榜

五神不當祀之義示吏民佶字子建四川金堂人進士
朱廷立字子禮湖廣通山人嘉靖二年進士七年由諸
暨知縣選浙江道御史改河南道八年巡鹽兩淮多所
建白嘗有專地方責任禁別場買補之弊遵頒降銅鉞
稱擊開闢草蕩溥賑濟復改派諸奏又爲自警九戒嘗
作鹽政志鰲務賴以有考

范鰲字平甫進東瀋陽人正德十二年進士嘉靖十二
年由河南知府擢兩淮運使條上鹽政十要會沿海災
荒撫集轉徙派分逋負寬免重役丁竈賴之時徵收羨
課十倍於前期限促迫商民愁苦鰲力爲寬假供億皆

革之三年政洽民有頌之曰范來早我人飽范來遲我人饑歷兵部尙書

徐九皋字遠卿浙江餘姚人進士嘉靖十三年以湖廣道御史巡鹽兩淮首疏定鹽價收餘鹽二事尤加意作興儒學

洪垣字峻之直隸婺源人進士嘉靖十六年巡鹽兩淮鹽法修明尤重教化嘗仿藍田呂氏鄉約立諭正副使勸誘亭民飲博之風一時頓息

吳悌字思誠江西金谿人進士嘉靖十七年巡鹽兩淮首議革竈民雜差濬運道之淤塞者會潮變淹溺男婦

乃疏留餘鹽銀發儲穀贍之又與運使鄭漳議創避潮墩於各團諸竈賴以復業漳字世績閩人進士嘉靖十六年任潮墩之築自漳始歷官應天府尹

焦連字子重直隸涿州人進士嘉靖十九年巡鹽兩淮值潮變初平上陳災異乞賑卹疏招撫流亡及投充民竈六百四十餘名給養竈婦二千三百餘口創鹽課司十有一區築避潮墩二百二十餘所

陳文浩福建閩縣人嘉靖二十二年任兩淮鹽運同知性廉靜嘗署司篆立兌稱於兩墀俾諸商自視衡平時巡鹽御史入飛語沒商鹽二萬餘引文浩從容申究事

得白

陳其學字家孟山東蓬萊人嘉靖二十七年按淮嘗疏減餘沒禁私販商困以紓是年夏苦雨行潦泥淖猶窮歷諸場詢察竈隱不少懈

黃國用字良弼江西豐城人嘉靖三十一年按淮奏開工本鹽每年三十五萬引以裕邊儲及議湖廣江西河南行鹽地方專飭該道僉事直隸府州專敕巡按御史兼管鹽法

徐熿字明宇應天太倉州人進士官山東道御史嘉靖四十一年巡鹽兩淮先因徵加餘銀歲百萬商竈並困

請減四十萬兩又條疏十二事以通商恤竈足國裕民
爲本商竈立碑頌之

鄒應龍字雲卿陝西長安人嘉靖三十五年進士授行
人擢御史嘗劾嚴嵩去之晉通政司參議隆慶初以副
都御史總理江西江南鹽屯鹽法大治巡撫雲南歿後
遺田不及數畝屋不數楹

龐尙鵬字少南廣東南海人嘉靖三十二年進士除江
西樂平縣知縣擢御史隆慶二年朝議興九邊屯鹽擢
尙鵬右僉都御史轄兩淮長蘆山東三運司劾兩淮巡
鹽孫以仁贓罪疏列鹽政二十事鹺利大興尙鵬自負

經濟才慷慨任事諸御史督鹽政者以事權見奪欲攻去之河東巡鹽邵承春劾其行事乖違落職汰屯鹽都御史官萬厯中起撫福建拜左副都御史諡惠敏

馬文煒字仲翰山東安邱人進士隆慶二年按淮奏議分司官宜久仕督催鹽課又奏停河鹽令內商分撥邊商引目及官引價

李學詩字子興河南安陽人進士隆慶三年按淮議復大鹽罷官買餉鹽議處淮揚食鹽價嚴革奸商串通吏書提單越掣之弊通查在堆引鹽調取勘合勝派引目躬親檢理清截單次注銷勝簿預給堂票以絕羈插自

此遂爲定法

包檉芳浙江嘉興人進士隆慶三年以貴州督學副使左遷通州分司判官初至海潮大作時范隄自石港至馬塘歲久傾圯潮暴入溺死人畜無算檉芳行勘以爲屢年修築皆自新隄直接舊隄以圖節費然各竈煎燒蕩產在隄外者十居七八若自彭家口直接石港迂迴十五六里雖爲費頗多第築隄本以捍衛無益雖尺寸當惜苟有益於民卽范隄百四十里不爲少靳又何憚此十餘里於是運司上其議遂修築外隄瀕海民德之以比於范文正呼其隄曰包公隄云

王琢玉字文野山東莘縣人萬厯元年按淮奏停存積
十餘萬引議開上江囤積小鹽又因戶部提解留買庫
引銀五萬餘兩並未解銀三十三萬餘兩商苦之卽議
奏准每季搭解三萬兩補足前數人以爲便

許三省字思曾浙江錢塘人萬厯二年按淮奏革儀興
駐劄通判省冗費請賑災竈及條陳五事曰實填格冊
裁定食鹽禁革買補查絕食鹽嚴定責成咸中一時利
害

蔡時鼎字台甫福建漳浦人萬厯二年進士巡鹽兩淮
悉捐其羨爲開河費置屬邑學田後官吏部疏劾申時

行改南京禮部郎中卒官貧無以斂士大夫賻給其喪
王曉字寅亮山東淄川人隆慶五年進士萬曆三年由
行人選浙江道御史四年巡鹽兩淮廉明剛正威惠並
行力復小鹽商民便之他如嚴便場買補之禁發假引
重冒之奸革小單混掣之弊鹽法一清

姜璧字完卿順天文安人隆慶五年進士萬曆六年以
御史巡鹽兩淮請止河鹽議修范隄賑恤災竈免積逋
鹽二十八萬七千餘引

彭端吾字嵩螺江西廬陵人進士萬曆三十七年巡鹽
兩淮恤竈惠商修范隄廣鑄鐵爲竈民之無妻者娶婦

建維揚書院爲十一庠士子會文之所多所造就
袁世振字滄孺湖廣蘄州衛人進士萬厯中以兩淮財
賦饒其官必假以風憲特設疏理道世振首膺是選一
時弊政釐剔殆盡改單爲綱自世振始

謝正蒙廣東惠來人萬厯中爲御史巡鹽兩淮持法平
允時苦鹽桶之弊正蒙因竈戶金價之請發贖鍰金七
百令諸場各置銅桶一具以爲式桶重二百五斤容一
石三斗二升支買一如其度奸宄無所施遂爲永制
徐光國字瑞徵浙江常山人附監生天啟二年官泰州
運判多惠政濬運鹽便民兩河以利商竈又修三賢祠

十場舊無志書蒐求編輯文獻有據

樊尙璟字鍾陽江西進賢人萬厯四十四年進士天啟二年授山西道御史四年巡鹽兩淮先是遼鈔不行各商虧額尙璟力爲釐剔增課二十餘萬公私交利商人立祠祀之

周汝璣字桂瀛河南商邱人進士天啟四年官兩淮疏理鹽法道持己端嚴不事操切當鹽法疲敝徵輸督急之時盡心調劑商竈德之

董應舉字崇淵福建閩縣人萬厯二十六年進士天啟五年以工部侍郎兼戶部侍郎理兩淮鹽政議商人補

行積引增輸銀視正之半部議格不行應舉方奏析而
巡鹽御史惡其侵官劾之魏忠賢傳旨詰讓御史徐揚
先遂希指再劾落職崇禎初復官

陸世科字正吾浙江鄞縣人進士天啟五年以御史巡
鹽兩淮執法嚴重時方創立新綱鏟削舊窩商竄課絀
世科力疏爭之招徠撫恤商始帖然清理前此割沒餘
銀又濬東臺海河及丁谿草堰小三場便民河

國朝

李發元字元毓直隸高陽人進士順治二年以御史巡
鹽兩淮時

王師新下江南將以淮鹽變價充餉商情惶惑發元力請
於

朝有鹽盡商散懇示固結一疏部議報可明末藩鎮踞淮
擅改鹽場草蕩屯田以致兵竈雜處兵強竈弱莫敢誰
何我

朝裁革藩封尙有無賴兵丁假防守爲名潛擾各場貧竈
每戶供給一二人爲害特甚發元以重法治之又以兵
燹後商人未集酌請量力行鹽允運使周亮工之請削
舊餉行新鹽盡除前明套搭積困

王雉鼎河南孟津人舉人順治二年官泰州運判會兵

發初定雉鼎布衣蔬食以不擾爲治專務安集有過誤干法者常多寬宥

李嵩陽字弦佩河南封邱人舉人順治三年選授御史巡鹽兩淮以湖湘未靖鹽商不行疏請暫減引課勸徠慰恤新舊俱復秩滿視學江南

姜圖南字匯思浙江山陰人由庶吉士改授御史順治十二年巡鹽兩淮先是九年以罷巡按並罷巡鹽至是復設圖南首膺其選兩淮自停遣御史後轉運使權輕奸豪恣橫弊叢課逋圖南至搜捕漕船私販壅閼立疏商人竄附綱名者剔釐去之

白尙登奉天鐵嶺人貢士順治十三年巡鹽兩淮時科
臣粘本盛請以竈蕩編入縣冊陞科尙登以前朝沿海
草蕩分給竈戶燒鹽蕩皆有課丁皆有引歲煎交倉至
萬厯四十五年因鹽壅商困竈有逃亡始改徵折價我
朝因之是竈蕩久有定賦非漏稅之地旣納折價又納縣
稅是兩徵矣力陳不可部議從之

李贊元字公弼山東大嵩衛人進士順治十七年巡鹽
兩淮力陳鹽弊每就經制中因時損益如甯珠之加課
不加引積引之附銷淮揚兩郡之行票鹽人皆稱便於
扼要處預杜糧艘回空夾帶及各省越販奏定文武員

弁考成商人赴場買鹽引目向不到場贊元欲持引鹽不離之例則恐商人情人赴買重複影射欲弛不問又恐大窩巨販假冒難稽乃責令運司給以批票書其商名竈地凡鹽在堆則驗其票重捆出場則驗其引年終繳批更換又於配運中寓緝私之法設公垣立水程清割沒正公罪諸弊一清

胡文學字道南浙江鄞縣人順治壬辰進士任真定府推官平巨寇高鼎有功擢福建道御史順治十八年巡鹽兩淮慨然以恤商足課爲已任時滇黔軍需孔亟議加窩歸綱引數日增行銷地隘積引附銷新引壓至四

十餘萬文學力請復湖南三府食淮鹽之舊又請移淮所於安東以杜草灣地方私鹽影射之弊著鹽政通考淮鹺本論二書行世

黃敬璣山東曲阜人進士康熙四年爲巡鹽御史先是御史王秉乾糾參商帶多斤故有兩淮倒追一項歷十餘年商雖屢更而追項如故敬璣以今日辦課之商非當年多帶之人新商無辜爲舊商代賠正與鹽課催徵不得酌量蠲免之

恩赦相符請照例蠲免故有敬陳兩淮非常之累一疏淮北庚子欠課八萬二千九百餘兩舊商逃亡無可復追見商

歲額不登不能賠補亦爲援免故又有庚子積欠一疏雖格於部議由是行帶徵之法商困少紓

汪兆璋字芾斯浙江錢塘籍安徽黟縣人康熙六年官泰州運判屬場蝗起兆璋出粟購捕蝗滿石給斗粟數日蝗抱草木死在職九年有廉幹稱以憂去明徐光國有中十場總志兆璋增輯焉

席特納滿洲人康熙九年巡鹽兩淮太平池州安慶三府爲江廣綱引門戶太平府民戴士經等請改綱爲食席特納歷陳五不可改之議不欲以一萬五千兩之小利壞百萬錢糧之江廣奸民無由侵害綱地與漢御史

徐旭齡和衷釐剔知商困由於官吏爲私費之苦六掣
摯之弊三會疏入奏勒石永禁又有會奏請停預徵一
疏自是鰲規復振旭齡字敬菴浙江錢塘人進士性侃
直秩滿而去行李蕭然厯官總督漕運卒諡清獻

孫士德字我成湖北黃岡人康熙十年以吏員任草堰
場大使本場蕩地奇零無定產每歲之春丁戶集場治
聽官派業士德以小民恆產當蒙業而安官或高下其
手必啟爭端迺力請計畝均分各安各業上官如其議
康熙十八年旱運鹽支河盡涸士德爲借潮濟運之法
一時鹽艘驟通

張文燦浙江山陰人以吏員起家康熙十四年官泰州運判時御史郝浴巡鹽兩淮自負經濟才屬員鮮當其意雅知文燦能有所興革倚辦如左右手文燦亦勵精句稽剗弊飭廢以勞卒官商民相與肖像海門周公祠祀之

郝浴字雪海直隸定州人進士康熙十六年巡鹽兩淮屬大兵討湖南浴爲權濟軍需計將長岳辰常等府停蠲引自減斤行銷御史傅廷俊又請於丁多引少州縣計丁增引浴言向定銷引多寡在於地方殷富人煙輻輳而不在丁數瘠僻之鄉丁多轉徙斷難議增今以軍

需孔亟不得不勉強議增然未便一律增加使將來有司慮積引處分致有派引累民之事其恤商愛民多遠計如此遷太僕寺卿十七年仍留兩淮是秋旱飭商開通諸場河道冬大饑與運使羅文瑜捐銀各二千兩分途賑濟於是揚州有司暨二十四綱商共襄善舉所活無算歷官廣西巡撫

裘充美字大文其先籍錢塘後爲直隸昌平人進士康熙二十一年巡鹽兩淮單車蒞任甫至立互結頒號票捕私梟絕囤販嚴禁陋規正課外毫末不得取授貴豪請謁無至於庭旋以論湖口稅商之疏不及報政以去

兩淮感其德於郡治北橋建敬亭書院令士子誦讀其中立石以誌去思

崔華字蓮生直隸平山人進士初知開化縣有政績超擢揚州知府康熙二十三年授兩淮轉運使寬於督漕商得休息而通賦悉辦先是湖南長沙岳州常德辰州四府因用兵蠲引三十九萬一千有奇三十年商人洪德大請認課四十餘萬兩補行蠲引華力請於上官謂兩淮浮課甚重又帶加斤商力業已難支補行蠲引口岸必壅反誤正課情詞剴切居九年遷分守涼莊道未行而卒淮商祠祀之

劉德芳漢軍正紅旗人康熙三十三年任兩淮運使時
柝茶場蕩地被潮衝失九百八十餘頃其應徵折價銀
千五百餘金竈戶繆五通等援徐濱等場之例呈請各
場均攤德芳以濱海之區在在貧瘠實難更增惟商竈
相顧諸商宜有救災恤患之誼議令淮南商眾代捐完
課嗣後蕩地潮災遂以爲例

張應詔湖廣武開衛籍舉人康熙五十四年任兩淮鹽
運使以廉正聞遂擢巡鹽居官四載時兩江總督常鼎
視淮鹽爲利藪而應詔清剛有執不得撓以私常鼎因
劾以科派加銀十三萬餘兩

世宗憲皇帝洞察其誣下

詔褒雪厯鴻臚寺少卿致仕

魏廷珍直隸景州人康熙五十二年進士六十一年巡
鹽兩淮兩淮舊有積欠課餉百三十餘萬兩廷珍請於
商人自行收支匣雜等費內每年節省銀九萬餘兩並
鹽臣向有經費萬餘兩內撙節銀五千兩合商眾願輸
兵餉六萬二千兩共積成銀十六萬兩解部充餉雍正
元年補湖南巡撫

上批其疏有潔已奉公不負

聖祖拔擢之旨未幾擢爲總漕十年授兩江總督與大學士嵇

曾筠學士西柱鹽臣高斌會題估修范隄并建柈茶角斜二場新越隄以捍民竈又有請免商捐己庚兩綱未完公務薪水銀十六萬兩一疏

謝賜履廣西全州人舉人雍正元年以右僉都御史巡鹽兩淮時湖廣督臣楊宗仁偏執不欲病民之見禁定鹽價淮鹽歉產商資虧折賜履議請每子包照時價減去銀六釐於價賤時每包以一錢一分九釐爲率貴不得過一錢二分四釐安鹽色比梁鹽較黑每包又減二釐庶無誤運而亦不致病民

上以爲是二年晉左副都御史是年七月海潮暴發所屬被災

卷二十一
者二十九場同運使何順捐銀三千兩撫恤又於應支
經費萬餘兩內撙節七千兩充公

噶爾泰滿洲人雍正二年以內閣侍讀學士巡鹽兩淮
是年七月范隄爲海潮所決死者四萬九千餘人奏蠲
其未完折價又賑恤之諭商復修隄岸時當湖廣督臣
楊宗仁禁價之後商竈失利噶爾泰奏明海潮淹沒竈
煎不繼鹽少價貴成本倍增請得隨時價運售不得禁
定鹽價以虧商亦不得高擡時價以病民商竈日有起
色四川總督岳鍾琪以川省之雲陽縣私井頻開產鹽
十有餘倍請將楚省之歸州巴東興山三州縣令淮商

赴川與井戶合夥認引行鹽噶爾泰以淮鹽行銷湖廣十分之七若以川行楚開私販之門勢必蔓延綱地壅滯官引奏仍循舊例以固藩籬又題准淮南每引加鹽五十斤成本輕而售價賤七年因有商人感沐

皇恩減費寬斤活價展限籲請提綱帶運一疏在官六載惠政甚多

何世璠字瞻園山東新城人進士雍正二年由御史擢兩淮運使持身廉介亦不爲矯矯之行商民交感其惠而無敢干以私歷官直隸總督贈禮部尙書諡端簡王兆麟漢軍正黃旗人監生雍正五年官泰州運判時

枹茶角斜二場范隄外蕩地坍沒三十餘里距大洋不遠每風潮暴發衝漫隄內丁戶苦之會兩江督臣魏廷珍奉

詔估修全隄兆麟力請於枹茶舊隄內移近三四里許別建新越隄以捍民竈計費工五千三百五十七丈又接築豐利場新隄三百八十丈其枹茶角斜舊隄殘缺雖多基址猶存乞併修以爲外護廷珍悉從之

曹辰宗安徽當塗人監生雍正八年官草堰場大使以勤業守本爲丁戶勸本場有社學一區屋敗不蔽風雨春秋拜跪道旁辰宗捐俸倡修竈戶翕然助之有不足

辰宗又自鬻產千金場人感焉立祠廟側

尹繼善字元長滿洲鑲黃旗人雍正元年進士九年任兩江總督先後總理鹽政者十年周知情偽多所興革十一年奏准高寶等州縣並非場竈坐落之區應令商收餘鹽配運食引乾隆十年通籌湖河蓄洩機宜凡繫於鹽運者皆濬之二十三年清丈淮北各場鹽池得溢池陞課銀二千二百餘兩二十八年江西吉引滯銷請將引課攤派通綱其鹽仍銷吉岸商樂均輸岸無隱占又於吉安要隘多設卡巡以杜粵私三十年鹽城范隄外民竈分樵應陞灘地各七百五十餘頃以樵採人眾

勢難攤派請於通邑民田鹽場折價項下帶納而樵採
無禁又請於泰屬丁谿廟灣隄外涵瘠之地減除陞課
銀四千六百餘兩放荒地畝三千餘頃後拜文華殿太
學士卒諡文端

高斌滿洲人雍正十年以布政使管兩淮鹽政密陳嵯
政積弊在展限壓綱積欠纍纍必當使復原限考成十
二年言壓綱之弊由於商圖緩運則口岸鹽少而居奇
宜以催運爲急務又以兩淮疆界受浙蘆川粵之侵須
下各督撫鹽政率屬協力緝私

上可其請其題修通泰一帶范隄設堡夫禦風潮籌酌通泰淮

三分司所屬場員裁簡分繁就近改隸帑無虛糜又請清規費給養廉分義倉以便場竈興文教以育人才厯任四年人興於善

高其倬字章之漢軍鑲黃旗人進士雍正十一年以兵部尙書總督兩江總理鹽政時巡鹽御史伊拉齊請於商鹽加斤之內增引十萬道又請增饒州鹽引四萬餘道其倬奏明引鹽加斤爲

皇上特沛之恩不應於厯年無課之鹽遽增十餘萬兩之課而饒州額外加引爲王永泰倣商人程宏益之故智假益賦爲充斥之計事不可行議遂寢又請減江廣匝商浮

費四十萬兩歷官戶部尙書諡文良

趙宏恩漢軍鑲紅旗人貢生雍正十一年授兩江總督與鹽臣高斌協力緝私獲三百八十餘案梟匪不敢出沒商不得緩運長價窩固之人亦不得壓綱貴賣殘引分年灑帶舊欠廓然一清十三年淮北場鹽盛產設法疏銷兩於綱引內帶運餘引至四萬餘道上裕

國課下裨商竈乾隆元年請增綱引二萬道自丙辰綱爲始隨淮南正引配運又以安東縣雖無場竈坐落實與場竈毘連請與通州等一例酌留餘鹽聽貧民挑賣高寶等州縣新增食引事屬創始且鄰近場竈較甘江二

縣爲尤甚請先頒餘引一萬道試運行銷以免壅滯
尹會一字元符直隸博野人進士雍正十一年由揚州
知府擢兩淮運使生平講學以宋儒爲歸其居官和平
清介疏城河以通百貨西郊負郭之田歲稔千畝捐製
馬船於揚關以濟往來民額之曰尹公義渡重建安定
書院興起人士又重修白駒場南中北三閘以利鹽運
乾隆元年擢兩淮鹽政加僉都御史買餘鹽以息私販
加漕耗以紓商力爲揚州城守奇兵二營捐給貲本銀
二千兩俾兵丁於訓練之暇營運生計歷官至吏部侍
郎督學江蘇以歿

慶福滿洲正白旗人一等承恩公乾隆二年任兩江總督總理鹽政揚州煙戶稠密多火災會同鹽政三保奏設救火器具以備不虞鹽義倉積儲米穀六十萬石易致霉浥前督臣趙宏恩會請分撥州縣以抵動賑倉穀慶福奏酌存揚州及通泰積儲外凡撥下江穀二十五萬餘石上江穀十萬八千八百餘石時淮揚浚河築壩商販不行請動支運庫巡費令商運往平糶撥價買補於民食轉輸皆便

三保滿洲人乾隆二年巡鹽兩淮揚城素多火災因於文武衙署及十二城門增設水礮募水兵二百五十六

名以備不虞江西饒引暢銷先於二年請撥吉引一萬五千道試行旋於次綱題爲定額又平糶鹽義倉積穀加增普濟堂經費

徐大枚漢軍正藍旗人進士乾隆三年任兩淮運使增定安定書院額選生徒並請定梅花書院師生歲修膏火以資課讀會淮南綱鹽行湖廣者價昂有

旨清釐適當旱潦竈煎不繼之候大枚殫慮熟籌詳具商本確數撫臣徐士林鹽臣準泰乃得會奏貴賤二價永定章程

張廷璇字清紹安徽桐城人雍正十三年官東臺場大

使乾隆四年擢通州運判廉慎於法所職無不舉通州
衍生以文見知嘗以吏事請閒廷璇不可旣而曰汝貧
曷不語我而俾人以利詎汝厚予之生感奮爲善士竈
戶舊有官田賣之民且百年田價增八九倍而田數易
主矣有議奪田與竈戶第償故直者廷璇曰竈戶貧不
能買田必奸民誘使爲名而陰據之是平民失業而奸
民利也以告上官不聽廷璇曰厲民爲媚可乎遂投劾
去

盧見曾山東德州人進士乾隆元年官兩淮鹽運使禮
賢好士海內名彥多與之游會因事遣戍未二年

召還授灤州知州擢守永平旋升永定河道十九年還任兩淮
運使二十年護理鹽政值海潮爲災通泰淮三屬場竈
地多淹沒見曾疏請蠲緩錢糧分別賑撫商竈德之見
曾在兩淮十載講求緝私添設巡船巡丁始終不懈乞
老歸爲後任陷害竟寘於法後奉

特旨昭雪所刊雅雨堂叢書爲世所重另有詩文集四卷

準泰姓白氏字健齋滿洲正黃旗人其先出自朝鮮乾
隆五年巡鹽兩淮公廉有威以淮北場商剝竈利已每
於旺產時領課竈戶鹽少乏資則放利圖扣鹽多無售
則乘急賤買一遇陰雨產鹽稀少本商額引虧短又以

漏私誘諸竈戶準泰廉知之檄司嚴禁俾乘時照額收買八年請預提己巳綱帶乙一分淮南綱引以濟閏月民食部臣因議嗣後遇閏之年應否照例預提增引準泰以口岸暢銷雖非閏年亦當預籌接濟如遇口岸歉收歲額壅滯雖有閏年僅堪均銷額引此乘機相時之事未便增引奉

旨允行平時不忸怩小利不責奇羨分剗節度有不便輒弛以利商後巡撫安徽山東廣西

朱續暉山東平陰人進士乾隆六年任兩淮運使董子祠在運使堂後舊址半爲民房贖還復請於鹽政捐貲

新之重修胡安定范文正及范鏞諸祠淮東舊有育嬰堂經理未善募乳婦分設八處措衣糧藥餌給之議定救火八款保甲六條曉示民竈增梅花書院經費以造士

吉慶滿洲人乾隆九年以內務府堂郎中巡鹽兩淮會鹽引壅積於融銷提引多所規畫以潮墩爲竈丁避災所亟於一百四十八座之外復增八十五座請免丁卯後三綱運銷貴價追繳之銀十三萬蒲草歉產請每引加鹽十斤增淮北漕耗如淮南例憫竈丁重利求貸於商生計日蹙請發銀五萬兩許貧竈春借秋還弛其息

又請纂修兩淮鹽志以十八年積久難稽之案牘勒爲成書俾後有考在任九年擢熱河總管以去

吳嗣爵浙江錢塘人進士乾隆十六年官兩淮鹽運使護鹽政事汝甯府例食淮鹽而上蔡西平遂平三縣與長蘆接壤私鹽侵界與河南撫臣會奏減價敵私以三縣爲汝屬藩籬前此每斤售銀一分九釐視蘆鹽較貴更請酌減二釐而通綱攤補成本俾私販不禁自除又淮北山清八州縣食引壅滯請以五分留食五分融綱課餉無虧商民均便泰州場河緯路須從水中築隄眾憚其費嗣爵因署運判王又樸捐修樣隄有驗遂與鹽

政捐廉二千金試之月餘又成隄一千七百餘丈於是悉以其事委之又樸得竟其功嗣爵之力也

王又樸字介山直隸天津人進士乾隆十六年署泰州運判以淮南由泰壩至東臺水路一百二十里經溱潼大尖諸河之水彌漫舊無緯路鹽運濡遲請於湖河蓄洩機宜業內併建長隄以利牽挽議者以費重難之又樸於水淺時乘小舟自以杖探水知浮淤無多而底堅如石初非溜沙又檢淮鹽志載楊公堰記知其地原有古隄遂出已資取泰州浚河土實於簍假空糧艘之便投溱潼最深處築之月餘水中成隄二千餘丈計所費

不過二萬餘金上官悉以其事委又樸眾商樂助利賴至今並以餘力增寬各場通運支河緯路修建板橋數十云

郝月桂河南襄城縣人乾隆十八年由舉人官草堰場大使適湖水泛漲河隄崩決民竈大災請賑未得乃面陳災黎待賑情形至爲泣下上官動容因以入奏又海沙新淤產草漸豐請奏陞科以廣竈煎設正心書院捐給租地爲師生膏火費場士感之建景行堂院中志不忘焉

莊有恭廣東番禺人乾隆四年進士第一以協辦大學

士刑部尙書暫管江蘇巡撫四署兩江總督總理鹽政二十一年會鹽政吉慶以泰屬官灘人奏

上命有恭勘議有恭請以官灘賦入抵補各場攤帶徐濱呂四二場缺課千餘金並水鄉虛納引課銀一千七百餘兩其餘計畝陞科又鹽城百姓伍祐新興竈戶因官灘搶草許訟連歲不決有恭爲之判界分樵民竈咸頌其公其分撥新淤沙蕩無分場商竈戶視其見有亭鑑業煎者給陞執業俾各有草應煎又令地隨鑑轉以杜商占竈業之弊其周悉民隱如是

趙之璧甘肅甯夏人世襲一等子乾隆二十七年任兩

淮運使以清慎自持淮商故事於前綱第三季將承辦
新綱引數花名投報運司冊送鹽政名爲滾總其中富
商各隨所占若干引據實投滾如數運完而一種無本
之商亦投滾若干引專爲轉撥他人高擡窩價地步名
曰虛滾遇口岸銷售未旺綱竣無人撥賣卽爲未完殘
引凡歷綱壅積至數十百萬岸運不繼民因食私之璧
深悉其弊定爲四季查銷之法如首二季能運完全綱
者爲急公按季分運無誤者爲本等若三季猶未運完
首二季之鹽卽行提比至四季已竣而猶有未運殘引
卽以虛滾嚴究追出殘引給急公各商勒限運完以示

鼓勵而清年額其淹消買補者亦不得過批補後三月之期一時虛滾之弊廓清癸未數綱年清年額鹽政奏以爲例

高晉滿洲鑲黃旗人廕監生乾隆三十年授兩江總督總理鹽政在任十餘年於裕課疏引撫恤商竈事宜措置精詳知額引不銷在緝私不力於二事尤所加意江西吉引滯銷先據鹽政尤拔世以設立分店疏引無效請停公店仍招水販本部行咨會議晉疏言粵私侵越吉安界中僅設郡城公店非能及遠官引不到之地私鹽易行如招水販而漫無責成則人情趨貴避賤鄰私

較近之地官引仍未得益應由省埠賣商自招水販派
地分運庶責專而弊絕且官爲嚴緝要隘立賞罰示勸
懲可冀暢銷部議報可三十六年授文華殿大學士仍
管兩江總督四十三年卒於河南工次

朱孝純字子潁漢軍正紅旗人舉人乾隆四十一年任
兩淮運使請於督撫鹽政興復梅花書院延桐城姚鼐
爲之師暇赴院召諸生而訓迪之孝純工詩好文賓接
儒雅警欬風流鬚髯不多有兩莖緣脣而下長二尺許
從風飄颻撚之輒以自喜前官巴蜀值軍興冒雪出打
箭鑪逾美諾之嶮采入小金川官山東與平王倫之亂

親戰臨清城下礮火從冠頂上過手射得賊將一人遂
遷運使後以京卿

召未幾卒於官

圖明阿漢軍人乾隆四十六年巡鹽兩淮勤於緝私疏
引請預提壬寅綱引二十萬道先期帶運額清課裕後
之鹽臣督銷暢旺未有過之者在任一年遷卒性清約
自奉刻苦疾革屢欲起移他室家人請其故曰我死恐
後來者或憎是屋商人希指必撤而新之物力可惜遺
令運使凡院廨牀几器皿之屬悉畀諸商分領留爲後
來供帳曰物雖微亦紓商力也聞者泣下

全德字惕莊漢軍人乾隆中巡鹽兩淮先後九載於疏引靖私等事俱力行之廬州府向爲淮北綱地鹽由洪澤湖運至壽州易牛車陸運百四十里始達府治車夫每於中途偷驛沙土病民全德廉知之乾隆五十六年會洪湖旱淺奏由江運出瓜州從裕溪口逕達廬州費省而課豐私販不禁自止因以成效請爲例其滁州來安各口岸舊無江運者請亦如之五十六年江西撫臣姚棻奏閩私闖入建昌請添設卡巡

上因以建昌改食閩鹽命督撫鹽臣會議全德奏言兩淮綱地自宋元迄今大概相同若久定之界聽他省行銷則兩

淮綱地日削課源日減不如於建昌杉關等隘商派公費緝巡又減價敵私爲便

上是其言兩淮疆界遂得無改

鹿荃字君服直隸定興人拔貢由三河訓導歷官浙江糧儲道乾隆五十四年擢兩淮運使廣陵俗尙豪華荃獨持之以儉遇節孝必手書聯額予之乏商環呼求濟每思捐廉爲助於是商眾感其意共加賙恤衰宗弱系歲有以養荃之力也荃嘗知絳州守鎮江皆有惠政

兩淮鹽法志卷一百三十七

兩淮鹽法志卷一百三十八

職官門

名宦傳

下

鐵保字冶亭號梅庵滿洲正白旗人乾隆三十七年進士由編修官至兩江總督嘉慶十一年四月兩淮鹽法志告成鹽政額勒布恭疏進

呈奉

硃批書留覽著鐵保撰序鐵保謂鹽課居賦稅之半兩淮鹽課又居天下之半其有關於

國課民生者與農桑等奉是書而行者當仰承

聖天子斂福錫美之德意以足

國而阜民豈徒申均輸之令畫亭場之禁云爾哉鐵保工
詩與總督百齡學士法式善並稱三才子尤精書法北
人論書者以大學士劉墉內閣學士翁方綱配鐵保所
著曰梅庵集手輯八旗詩溯崇德至乾隆六十年得詩
數百家上之

詔賜名曰熙朝雅頌集

曾燠字庶蕃號賓谷江西南城人乾隆四十六年進士
選庶吉士改主事由員外郎超授兩淮鹽運使闢題襟
館於邗上公暇與賓從賦詩爲樂敦槃稱盛時垣商私

增鹽價爭收竈鹽場價踊貴煥整飭輪收之法價始平
嘉慶十年鹽政估山續修兩淮鹽法志煥提調書局值
估山去任煥繕黃冊由新任鹽政額勒布呈進屢遷至
貴州巡撫乞養歸道光二年授兩淮鹽政煥在揚州提
倡風雅一時才俊畢集與前運使德州盧見曾同有好
士之名聲華藉甚旋以五品京卿內

召卒年七十有二著賞雨茅屋集江西詩徵九十四卷

孫玉庭字寄圃山東濟甯州人乾隆四十年進士由編
修出爲監司嘉慶二十二年官兩江總督海升大學士
任總督如故玉庭在兩江久嚴禁私梟因定例肩挑負

販零鹽在四十斤以下者免其禁捕遂有匪棍僞作小販或勾僱貧民分拆零售有礙正引疏請禁止凡遇准北縣營稟獲私梟檄令附近道府訊結於是破案者眾梟匪益少又以江船夾帶屯船盜賣箕稱放阻場竈透私均爲鹽務之害檄奇兵營捕緝札行運司查明損工箕稱人數飭商實給工食不准需索船戶道光四年河決高家堰被議除名十四年重宴鹿鳴

諭賜四品服卒年八十有三

蔣攸銛字穎芳號礪堂漢軍鑲藍旗人進士由編修出任監司歷兩廣四川直隸總督道光八年以大學士任

兩江總督坐鹽梟事左遷侍郎卒於旅次攸銛性強記
與人一面數十年不忘僚吏驚以爲神尤喜汲引賢士
陶澍林則徐皆其所薦達也著有繩樞齋詩集

陶澍字子霖號雲汀湖南安化人嘉慶七年進士選庶
吉士由編修改御史初授川東道川督蔣攸銛奏其治
行第一擢山西按察使安徽布政使就遷巡撫調任江
蘇道光十年授兩江總督是時私梟黃玉林伏法前總
督大學士蔣攸銛及運使皆獲譴

宣宗命戶部尙書王鼎侍郎寶興赴兩淮與澍會籌鹽法上章

程十五則曰裁減浮費曰刪減窩價曰刪減繁文曰慎

重出納曰裁選商領曰酌核帶銷曰積欠宜緩曰實給
船價曰宜卹竈丁曰嚴究淹銷曰疏濬運道曰添置岸
店曰亟散輪規曰整飭紀綱曰淮北另籌

上嘉納之王鼎等遂請裁兩淮鹽政歸總督管理以一事權兩

江總督兼鹽政自此始淮鹽之弊也岸費高價壩損歲
浮糜數百萬仰食者眾當事知其病而不敢發端澍謂
非減價不能蔽私非輕本不能減價非裁冗費不能輕
本遂奏裁淮南窩價岸費場費二百五十餘萬金淮北
則創改道不改捆之議歸販不歸商之制每歲暢行倍
額溢課數十萬代償淮北之帶殘且劑淮南之懸引嘗

欲推廣其法於淮南雖以衰病不果而天下皆知票鹽之減價蔽私爲正本上策不復爲綱法所縛持矣初淮南以十年行六綱淮北以十年行三綱虧帑本七百餘萬而以帑利貽患後來立預納減納貼息諸名色以數十年後之課豫虧之數十年前至道光八年十年間則已無可挪墊借貸澍任鹽政八載完正雜銀二千六百四十餘萬兩而在岸緩納之課尙不與焉又帶銷辛卯以前殘引百三十餘萬帶徵銃引殘課三百數十萬償前人之欠旋以鹺務起色疏請復設鹽政

溫諭不許卒年六十有二謚文毅建專祠於板浦場又入名宦

祠所著印心石屋文集五十六卷奏議七十六卷陶桓
公年譜四卷淵明集輯註十卷靖節年譜考異二卷蜀
輶日記四卷

林則徐字元撫一字少穆福建侯官人嘉慶十六年進
士由編修改御史初授浙江杭嘉湖道引疾歸道光二
年授淮海道擢江蘇按察使六年命署兩淮鹽政以未
終制辭不拜再任江甯布政使東河總督十二年調江
蘇巡撫十五年署兩江總督兼鹽政時陶澍每入

觀則徐輒權其任深悉淮鹺利弊十七年擢湖廣總督極力講
求堵私之法擇州縣之懈惰者劾之於是地方牧令始

知督銷爲分內之事

詔亦嘗以則徐曾署江督相勸勉楚督之保全淮綱不分畛域
莫則徐若也十八年移督兩廣因外夷事遣戍二十五
年

召還以四五品京堂用旋署陝甘總督遷雲貴總督引疾歸三
十年粵逆洪秀全倡亂

詔授則徐欽差大臣署廣西巡撫卒檢黜年六十有六諡文忠
陝西建專祠雲南請祀名宦祠

俞德淵字陶泉甘肅平樂人嘉慶二十二年進士由庶
吉士改江蘇荆溪知縣有聲林則徐賀長齡咸器之遷

徐州府同知道光八年陶澍奏擢常州知府調江甯當是時兩淮鹽法大壞澍在蘇撫任嘗極論之十年

宣宗召還總督蔣攸銑而以澍代時使臣王鼎寶興議罷官商鹽歸場竈科稅德淵具言鹽歸場竈其法有三一曰歸竈丁以按鋤起科其中難行者三一在竈丁逋欠一在鋤鑊私煎一在災祲藉口二曰歸場官以給單收稅然難行者亦三一在額數難定一在稽查難周一在官吏難恃三曰歸場商以認鋤納課然難行者亦三一在疲商鑽充一在殷戶規避一在垣外私售顧事難謀始如欲行之清竈鑊商改官易制非三年不能就緒此三年

中課額未可常懸也場鹽未可停售也各岸食鹽未可
久缺也議上澍深然之乃罷前議澍舉德淵超授兩淮
鹽運使所改鹽法多資其力在任五年正課無缺揚州
俗尙奢靡德淵以儉樸矯之謹守筦籥權貴遊客多失
望德淵不顧也卒後荆溪長洲江甯士民皆請祀名宦
祠

陳鑾字芝楣湖北江夏人嘉慶二十五年一甲第三名
進士道光十九年陶澍卒

宣宗以淮鹺改章有效命鑾由江蘇巡撫署兩江總督篤守澍
成法北票暢行欲試之淮南未幾卒時論惜之

李星沅字子湘號石梧湖南湘陰人道光十二年進士
由編修歷府道除陝西四川江蘇按察使江西江蘇布
政使尋擢陝西巡撫調江蘇授雲貴總督二十八年移
兩江總督陶澍之改行北票也旣以新章取速效而淮
南課額重自銀貴錢賤銷數易虧星沅謂引滯課絀不
盡由私販而欲圖補救必以嚴治私販爲首務先後疏
奏無慮萬餘言皆得

俞旨褒勉未幾引疾歸三十年粵寇起

詔授欽差大臣咸豐元年卒於軍年五十有五諡文恭

謝元淮字默卿湖北松滋人起家丞尉擢無錫知縣爲

陶澍陳鑾所倚任澍創行海運漕糧及改淮北票鹽元
淮皆任其役初委淮北票鹽總局立青口團法其鹽歸
總局派賣除攤價預賣搶收等弊票法始大行十六年
權海州分司運判時票法中滯元淮停止陸運力持派
賣舊章十九年定驗資派引票復大暢陶陳繼亡遂被
排擠以改行票法時頗叢眾怨也旋擢南掣同知捐貲
重修儀徵育嬰堂救生局置田供其歲用二十二年再
權海州運判值海警行團坊場竈以安三十年鹽政陸
建瀛改行淮南票法詢之元淮新章效否元淮曰改法
必暢惟既暢之後搖撼必多全在執事堅持定力耳建

瀛曰騎虎之勢斷無下理息壤在彼君無憂也咸豐元年元淮被讒罷旋授廣西桂平梧鬱鹽法道元淮始終南北改票之役著前後離言四十四首專紀其事有養默山房詩稿三十八卷

陸建瀛字立夫湖北沔陽人進士由翰林院編修出任監司道光二十九年三月任兩江總督是年十一月湖北武昌塘角大火燒鹽船四百餘隻折商貲五百餘萬建瀛時在清江會籌漕河飛疏告災且言變法事先是御史劉良駒黎光曙條陳淮南推廣票鹽事下江楚督撫會議於是兩江總督牛鑒璧昌江西巡撫吳文鏞等

均以爲未便建瀛銳意改章檄調前臺灣道姚瑩議其事舊制商人請運徧歷運司十九房科及四首領衙門建瀛刪除繁文正雜課同時並納設總局於揚州裁除引目改用鹽照每張十引每引六百斤改小包爲中包每包六十斤每引十包行銷不分綱食只分四路湖廣爲一路江西爲一路安徽爲一路江蘇爲一路凡運湖廣鹽者准在湖北湖南所屬各府廳州縣但係淮南引地境內水陸隨商發賣江西皖蘇三路亦如之舊時楚省鹽價每斤約八十錢以六百斤成引牽算每引計錢四十八千新章減值一半以歲銷七十萬引而論每年

楚民食鹽可省制錢一千四百萬緡以江廣蘇皖合計
民間歲省鹽價錢二千七八百萬緡奏設九江湖口蕪
湖龍江四卡委員駐紮查驗楚西皖蘇商鹽夾帶鹽至
九江則任其所之楚西岸店全裁歲省陋規數百萬兩
自道光三十年四月開局收稅至十月奏銷已酉全綱
課銀四百餘萬兩掃數報解更有節省銀三十餘萬兩
聽候部撥向來奏銷專報正課銀二百餘萬其商人完
課分請呈加三次上納故多套搭至是蒂欠豁除截至
咸豐元年十二月計期一年有半共捆運楚西皖蘇鹽
一百三十六萬七千一百六引較之道光戊申綱僅運

三十三萬餘引每引四百斤者蓋四倍其數焉是時楚西鹽價每斤賤至三四十文農民歡聲動地咸稱從古所未有

已上見謝元淮養默山房集

然輪規既散商販跌價搶售逾

兩年岸鹽頗壅適值粵寇橫行引地全陷淮南遂片引不行矣初洪秀全陷武昌建瀛率師三千禦之黃州老鼠峽師潰還金陵城陷死之同治三年楚軍克金陵其舊僕啟其棺於內城江督曾國藩奏請改殮嫡孫陸光祖遷其柩於沔陽葬焉

謹按光緒八年中宗棠奏言陶澍創行票法以救淮北之窮後之恪守遺法並擬賡續恢張者惟陸建瀛

惜時會倉皇有志未逮追金陵被陷鹽法蕩然矣左
宗棠平情論事誠爲篤論而世或議淮南改票之非
怡良奏疏亦云淮南誠不能改票豈知今之兩淮票
鹽盛行皆陶陸遺軌哉

姚瑩字石甫安徽桐城人嘉慶二十三年進士刑部郎
中姚鼐從子也少有文譽及官江蘇總督陶澍巡撫林
則徐皆重之道光十六年由監掣同知權運使時岸銷
久滯淮商大疲報銷不能歲事瑩請於陶澍給還應領
窩價納見價六兩者准以窩價抵銀四兩窩價不出庫
而坐收四十萬之利又曉以利害羣商悅服旬日間計

應徵二百餘萬皆足澍服其能瑩以淮南殘引陳積來
年奏銷必更棘手請以淮北溢額融銷淮南殘引又請
飭羣商於應買補鹽義倉穀款內自行備穀交倉每納
穀一石帶補舊虧穀五斗倉庫兩裨並舊虧穀亦完旋
擢福建臺灣道道光二十二年英夷犯臺灣瑩與總兵
達洪阿擊卻之及和議成以夷人誣訴下獄凡十有二
日而事白三十年陸建瀛上疏論薦

詔瑩前赴江甯佐建瀛改票法設總卡於九江瑩董其役凡楚
鹽已過九江者任其所之南鹽遂暢行敘勞應送部引
見瑩固辭會粵寇起

詔瑩參贊軍務擢廣西按察使調署湖南按察使卒於官著有
中復堂全集九十六卷

閔廷楷浙江烏程人道光七年補角斜場大使捐廉倡
建豐備倉旱潦無流亡場境范隄北故有河潮至齧隄
往往淤阻各亭積水不能攤曬廷楷捐廉塞之距故河
北別開一河由海港口西屬至鹽馬頭約八九里復於
西濬小溝引亭水由河入海旱則引潮注亭塘以備淋
滴竈民德之稱爲閔公河道光二十八年調任伍祐三
十年丁母憂旋里卒

魏源字默深湖南邵陽人道光二十四年進士由內閣

中書改知州發江蘇時陶澍督兩江延與論鹺務源謂
救弊必先太甚請裁浮費爲減官價地減官價爲杜私
販地於是淮北始有改票之舉作淮北票鹽記二千餘
言源又作籌鹺篇上之李星沅未行陸建瀛見其文力
主行之淮南改票與有力焉源之權東臺興化令也值
大水河淤將啟閘源力爭不能得則走赴總督署擊鼓
建瀛聞報立往勘始得免啟七州縣民皆賴之咸豐初
權海州分司運判上書建瀛論北鹽協南課事凡六則
源嘗曰陸公當漢岸火災之後甫奏新猷卽遭上游粵
賊之難楚豫淮鹺皆不可復問蓋運數所乖非關人事

也源前在高郵州坐驛遞遲誤免官尋以緝獲梟匪功
副都御史袁甲三奏復其官所著有曾子章句二卷
聖武記十四卷海國圖志六十卷詩古微十卷書古微十卷
公羊微十卷春秋繁露註十二卷清夜齋文集二十卷
選

皇朝經世文編及論學文選若干卷

童濂湖北江夏人道光十二年淮北改行票鹽濂爲海
州分司運判於時商販滋多場產不繼率修築新池以
鬻利海屬三場修復鹽池至四千六百餘面竈售數倍
場商得不償本往往逋負濂嚴禁私買預售先課後鹽

淮北事始定十八年復立驗貨之法商繳鹽課成本於
官資溢則還畀之按銀數折扣均攤給鹽請託爭競之
風遂息濂著淮北票鹽志略十五卷備載陶澍政績其
後擢淮北監掣同知陸建瀛議變新章濂權運使甫定
議上詳而卒姚瑩深推其功謂濂剛直精詳其服官潔
己忘私鹽務諮商一無所染臨歿猶戒家不許受其賻
莫其賢於人也遠矣應請加贈道銜不惟慰該故丞於
地下且使生者益感奮鼓舞矣

聯英滿洲鑲黃旗人廕生道光末年官江蘇按察使會
陸建瀛改票

詔聯英與兩淮運使劉良駒隨同辦理時童濂新歿建瀛檄謝元淮綰總局魏源至海州整理北鹺聯英精心獨運凡建瀛所設施竭力遵行不數月而成效大著嗣任江蘇布政使因事罣誤咸豐七年淮南試辦就場徵課久無效江督何桂清檄聯英署運使定章以六擔爲一票每擔以百斤加五配割加滷耗包索共計一百七十斤每收十萬票之照卽收十五萬票之稅場稅於是日旺時亭鑷荒廢聯英督率通泰海三分司查明淮南二十場額設煎鑷二萬六千餘口所存不及十分之三遂逐加修整得煎鑷一萬一百十四口准此以爲考核其後運

使丁日昌喜紛更所增餉數率非事實適足貽場竈之害而已

曾國藩原名子城字伯涵一字濞生湖南湘鄉人道光十八年進士由檢討洊升禮部侍郎咸豐十一年授兩江總督時東南糜爛國藩進兵祁門江督及鹽政事以巡撫薛煥兼領同治二年長江肅清國藩在安慶始議試行淮鹽於楚西各岸釐定南鹽新章設招商局於揚州無論官紳商富均准領票認運每票五百引照陸建瀛舊章每引六百斤加滷耗六十斤包索二十八斤分裝八包每包連包索八十六斤計一引重六百八十八

斤同治三年克復金陵乃改設總棧於瓜洲凡南鹽皆
令由場運瓜棧轉入江船創立四岸督銷局以監司大
員董其役鄂岸督銷局設漢口湖北鹽務皆隸之湘岸
督銷局設長沙湖南鹽務皆隸之西岸督銷局設南昌
江西鹽務皆隸之皖岸督銷局設大通安徽鹽務皆隸
之凡場商到棧由瓜棧懸牌定價挨輪派售棧鹽到岸
由督銷局懸牌定價挨輪派售其價銀收付操之官商
不得私相授受賦稅則釐重於課分省撥解運庫無糾
葛之嫌奏銷則分上下半年儘收儘報戶部免套搭之
詰四省票有定數循環轉運參綱法於票法之中蓋兼

陶澍陸建瀛之成法而斟酌以歸於至善誠救時之良規矣淮北則仍循陶澍之舊四百斤爲一引而去其溢引十六萬僅行正引二十九萬餘道引額不加而課銀較曩時不稍絀公私兩益當建瀛變法時綱食合爲一國藩則仍復食岸責商認課以別於綱岸試辦之初票商歲環運二三次獲利幾倍其後一歲僅一運甚至歲半一運異於始辦時矣然綜計課釐淮南北歲入約銀四百餘萬兩其時湖北引地雖未全復已足抵往時歲徵之額此外湖北收川釐一百二十萬四川收濟楚鹽釐五六十萬通計

國家歲徵銀六百餘萬兩淮鹺極盛時不是過也國藩每
立一法周諮審處如身入其中熟權利害而酌其宜故
不事搜括民財而

國帑自裕不必姑息示惠而商力自紓其治術本之儒術
非斤斤言利者比也其在京職直言極諫及領兵作鎮
汲汲以求賢爲事一時名臣良將詞客碩學皆出其門
所部勦平十六省寇盜功蓋天下而自視猷然其德量
近古所罕覩也鹽務特其一端耳以克金陵功

封一等毅勇侯官至武英殿大學士卒年六十有二諡文正直
隸江蘇安徽江西湖北湖南皆建專祠並祀京師賢良

昭忠祠

忠廉字鶴皋滿洲鑲藍旗瓜爾佳氏道光己亥科舉人
戶部郎中咸豐七年以道員發往江蘇候補九年戶部
五字案起株連褫職十一年案結復官同治二年署兩
淮鹽運使時值曾國藩釐定新章諸事草創忠廉勤慎
公明深爲國藩所倚所建票運規模皆令參議如江甘
運銷溢額則定爲加完釐銀以杜取巧高寶額引無多
距江較遠免予加釐通州如皋泰州興化等處往往隱
射出江議與江甯食岸一律抽收釐課國藩皆聽行之
先是就場抽稅販戶祇知買鹽不辨銷路高下價皆相

等場商慮虧成本復將磙次和入尖鹽又急於轉輸不
存老堆忠廉乃分別鹽色略加牌價俾場商江販兩得
其平餘東呂四鹽最上每包加牌價錢七十文餘西金
沙石港上新興每包加錢六十文豐利小海新興草堰
劉莊廟灣加錢五十文枰茶伍祐南洋丁溪加錢四十
文李堡角斜掘港富安安豐梁垛加錢三十文磙片則
照原價不加老堆按年代遠近議價於是場商皆分別
堆儲而場員亦嚴督竈戶澄清滷地鹽色遂蒸蒸日上
矣同治四年正月真除兩淮鹽運使是月卒

馬新貽字穀山山東荷澤人進士起家州縣同治七年

由浙江巡撫擢兩江總督用人行政恪守曾國藩成法
時淮北行驗費法商販乏見銀率假貸爲之富室挾貴
居奇索利甚重新貽詞其弊商之國藩奏罷驗費而令
淮北票販輸銀仿淮南例循環轉運淮北環運自此始
新貽素寬大長者爲政務含宏持大體會月課武弁方
登輿劇盜張汶祥刃刺其腹遂被害世皆驚惜謚端敏
金陵建專祠

魁玉字時若富察氏滿洲鑲紅旗人廕生由荊州駐防
協領授涼州副都統轉戰湖北江南遷京口副都統授
江甯將軍同治九年權兩江總督魁玉故與大學士曾

國藩共兵事及兼兩淮鹽政悉守國藩程度時鄉試武生仇茂森吉殿邦等運載私鹽至孔家涵放箭闖卡署運使龐際雲派勇堵緝考船絡繹至者千餘艘皆載私鹽仇茂森率武生船戶千餘人張弓挾矢拋錨石相抵拒都司曾德麟開空礮擊之仇茂森格弊兵勇被傷者甚夥魁玉聞報亟調提督吳長慶馳往彈壓而檄運使籌款給還考生買其鹽入官配引發販動帑錢十餘萬緡收價歸款公項仍無所損考生感悟皆繳鹽領價羣情安貼其倡首拒捕之吉殿邦按律懲餘悉不問魁玉以淮南鹽法屢更與舊志不相符批令運司輯淮南鹽

法死瑤卒。卷國藩回兩江刊行之十年調成都將軍。卒於官諡貞肅其守鎮江有功建專祠。

文瀾字凌結浙江秀水人幼習刑名家言咸豐間鄉費爲通判歷權海州通州泰州運判淮北監掣同知淳保江蘇道員同治二年曾國藩試行淮鹽以文瀾習鹽事召與謀所定章程皆文瀾參預檄赴漢口督率皖楚鹽務首發整頓鹽色之議國藩深倚之會有人言文瀾漢口奢侈狀另檄他員代之比國藩解兵柄回兩江嘗遣弁持公牘詣文瀾判事其稿立成卽持還是時蘇藩司丁日昌白國藩乞裁刑錢幕友國藩手批答曰大江

南北不待幕友而能批判公牘者惟杜道一人耳歷攝
江甯江蘇布政使按察使鹽巡道蘇松太道著有淮鹺
紀略一卷淮鹽六弊說皆切中利弊又有方輿紀略二
卷古謠諺粵匪紀略若干卷

郭嵩燾字伯琛號筠仙湖南湘陰人道光二十七年進
士選庶吉士咸豐三年以江西城守功授編修八年入
直

南書房九年

詔赴天津佐僧親王辦海防同治元年授蘇松糧儲道逾月擢
兩淮鹽運使是時江路初通曾國藩試辦淮鹽議江西

認辦三萬引高燾上試運西鹽十六事又擬補救稅鹽
八條曰營員不准下場曰運數宜照收數日到壩宜嚴
稱掣曰緩釐以輕商本日緝私先查窩囤曰屯船宜嚴
交斤曰營販宜歸畫一曰牌價宜歸局定國藩皆允行
之先是時運庫存銀不逮萬兩負江西安徽協餉甚鉅
嵩燾悉補償焉因言此後各營配鹽必由運司掣驗分
商人之利以濟營餉則可藉營餉爲名以亂鹽法則不
可國藩以爲然提督李世忠藉餉鹽匿私部曲橫甚嵩
燾使使截其鹽併船充公於是營梟斂迹鹽運大暢未
幾以二品頂戴署廣東巡撫去淮之日書吏曰收數什

倍於前可支匣費萬餘金嵩燾曰今偶然耳卽久任未必如此支用過多後援爲例是我階之厲也卒不取五年內

召未赴光緒元年授福建按察使尋擢兵部侍郎充出使英法大臣五年歸華謝病還長沙著書自娛卒年七十有四著有禮記質疑學庸質疑朱子家禮考證湘陰縣圖志史記札記讀書雜誌養知書屋詩文集玉池日錄奏稿尺牘共一百餘卷

沈葆楨字翰宇一字幼丹福建侯官人道光二十三年進士選庶吉士由編修改御史出知九江府咸豐六年

權廣信府以城守卻賊知名擢贛南兵備道乞養歸里
同治元年曾國藩密薦超授江西巡撫以誅幼逆洪福
瑱功

賞一等輕車都尉六年母憂服闋充總理船政大臣十三年赴
臺灣辦理生番倭夷構釁事光緒元年授兩江總督是
時川鹽侵占淮界引地未能全復葆楨抗疏力爭謂貨
殖傳言大上因之其次利導之其次整齊之今以淮南
固有之楚岸仍令歸淮因也以川鹽應銷之滇黔責成
川運導也令川省封井楚省設卡淮南講求煎煉整齊
之也

上可其奏會格川楚督撫議不行葆楨之治鹺也以講求鹽色爲自強敵私之本故清老堆以節滴耗創重淋以求乾潔鹽色苟低則官鑄級商停運以示罰鹽色誠美官則優予獎敘商則提升鹽色以示勸或正梁而升眞梁或眞梁而降頂梁其誅殛梟徒匪黨不稍貸上下肅然卒年六十謚文肅江甯江西徐州皆建祠

方濬頤字子貞安徽定遠人進士同治七年由廣東南韶連道授兩淮鹽運使未幾兩廣總督瑞麟調赴粵省清算交代事竣回任十年西征糧臺學士袁保恆奏請權加鹽價以濟軍需部議令鹽政轉飭運司覈議濬頤

論室礙難行者四端其事遂寢湖南巡撫劉琨奏請永
寶二府試運粵鹽濬頤復言湘商不願曾國藩因疏爭
之濬頤喜詩善駢文雖未登絕詣而以風雅自任所作
甚夥修葺平山堂小金山諸名勝饒有盧曾之風後在
四川按察使任因案除名仍回揚州時陝西巡撫高要
馮譽驥流寓邗上譽驥故宿學有盛名人品高逸書畫
爲世所重濬頤日與過從講訂詩畫人不知爲達官也
左宗棠字季高湖南湘陰人舉人少負大志咸豐初年
贊巡撫張亮基駱秉章軍幕運籌決勝遠近知名咸豐
十年曾國藩密薦

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百
一百一
一百二
一百三
一百四
一百五
一百六
一百七
一百八
一百九
二百
二百一
二百二
二百三
二百四
二百五
二百六
二百七
二百八
二百九
三百
三百一
三百二
三百三
三百四
三百五
三百六
三百七
三百八
三百九
四百
四百一
四百二
四百三
四百四
四百五
四百六
四百七
四百八
四百九
五百
五百一
五百二
五百三
五百四
五百五
五百六
五百七
五百八
五百九
六百
六百一
六百二
六百三
六百四
六百五
六百六
六百七
六百八
六百九
七百
七百一
七百二
七百三
七百四
七百五
七百六
七百七
七百八
七百九
八百
八百一
八百二
八百三
八百四
八百五
八百六
八百七
八百八
八百九
九百
九百一
九百二
九百三
九百四
九百五
九百六
九百七
九百八
九百九
一千
一千一
一千二
一千三
一千四
一千五
一千六
一千七
一千八
一千九
二千
二千一
二千二
二千三
二千四
二千五
二千六
二千七
二千八
二千九
三千
三千一
三千二
三千三
三千四
三千五
三千六
三千七
三千八
三千九
四千
四千一
四千二
四千三
四千四
四千五
四千六
四千七
四千八
四千九
五千
五千一
五千二
五千三
五千四
五千五
五千六
五千七
五千八
五千九
六千
六千一
六千二
六千三
六千四
六千五
六千六
六千七
六千八
六千九
七千
七千一
七千二
七千三
七千四
七千五
七千六
七千七
七千八
七千九
八千
八千一
八千二
八千三
八千四
八千五
八千六
八千七
八千八
八千九
九千
九千一
九千二
九千三
九千四
九千五
九千六
九千七
九千八
九千九
一萬
一萬一
一萬二
一萬三
一萬四
一萬五
一萬六
一萬七
一萬八
一萬九
二萬
二萬一
二萬二
二萬三
二萬四
二萬五
二萬六
二萬七
二萬八
二萬九
三萬
三萬一
三萬二
三萬三
三萬四
三萬五
三萬六
三萬七
三萬八
三萬九
四萬
四萬一
四萬二
四萬三
四萬四
四萬五
四萬六
四萬七
四萬八
四萬九
五萬
五萬一
五萬二
五萬三
五萬四
五萬五
五萬六
五萬七
五萬八
五萬九
六萬
六萬一
六萬二
六萬三
六萬四
六萬五
六萬六
六萬七
六萬八
六萬九
七萬
七萬一
七萬二
七萬三
七萬四
七萬五
七萬六
七萬七
七萬八
七萬九
八萬
八萬一
八萬二
八萬三
八萬四
八萬五
八萬六
八萬七
八萬八
八萬九
九萬
九萬一
九萬二
九萬三
九萬四
九萬五
九萬六
九萬七
九萬八
九萬九
一十萬
一十萬一
一十萬二
一十萬三
一十萬四
一十萬五
一十萬六
一十萬七
一十萬八
一十萬九
二十萬
二十萬一
二十萬二
二十萬三
二十萬四
二十萬五
二十萬六
二十萬七
二十萬八
二十萬九
三十萬
三十萬一
三十萬二
三十萬三
三十萬四
三十萬五
三十萬六
三十萬七
三十萬八
三十萬九
四十萬
四十萬一
四十萬二
四十萬三
四十萬四
四十萬五
四十萬六
四十萬七
四十萬八
四十萬九
五十萬
五十萬一
五十萬二
五十萬三
五十萬四
五十萬五
五十萬六
五十萬七
五十萬八
五十萬九
六十萬
六十萬一
六十萬二
六十萬三
六十萬四
六十萬五
六十萬六
六十萬七
六十萬八
六十萬九
七十萬
七十萬一
七十萬二
七十萬三
七十萬四
七十萬五
七十萬六
七十萬七
七十萬八
七十萬九
八十萬
八十萬一
八十萬二
八十萬三
八十萬四
八十萬五
八十萬六
八十萬七
八十萬八
八十萬九
九十萬
九十萬一
九十萬二
九十萬三
九十萬四
九十萬五
九十萬六
九十萬七
九十萬八
九十萬九
一百萬
一百萬一
一百萬二
一百萬三
一百萬四
一百萬五
一百萬六
一百萬七
一百萬八
一百萬九
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

詔賞四品京堂襄辦國藩軍務十一年授太常寺卿擢浙江巡撫歷任閩浙總督陝甘總督

封二等恪靖侯光緒八年由東閣大學士軍機大臣出爲兩江總督時通泰濱海之區潮墩坍廢每遇風潮竈戶避逃無地宗棠遣員修築通屬潮墩五十座泰屬潮墩四十座又修柃茶豐利角斜掘港等場范隄工長一萬一千七百八十餘丈竈民賴之光緒十年正月疏請開缺詔以大學士回京供職越南告警法人窺伺臺灣命宗棠爲欽差大臣馳赴福建會撫議成卒於軍年七十有五諡文襄江南福建浙江陝甘皆建祠並祀京師昭忠

賢良祠

曾國荃字沅浦湖南湘鄉人優貢生大學士曾國藩母弟也幼秉異才國藩深器之咸豐六年湘軍困於江西國荃被湘帥檄募兵三千赴援圍吉安克之連戰有功領萬人圍安慶十一年八月拔之授浙江按察使江蘇布政使浙江巡撫同治三年攻克金陵

錫封一

等威毅伯乞養歸移撫山西不拜五年遷湖北巡撫復引疾歸十三年起用陝西巡撫改東河總督光緒三年遷任山西適三晉奇荒赤地千里國荃走書告貸各省勸民贊助賑晉人德之六年俄人渝盟

召赴山海關防海擢陝甘總督未赴散兵歸里八年權兩廣

總督內

召攝禮部尙書十年授兩江總督甫至淮揚場商籲陳疲困
狀國荃亟撥閭款二十萬兩代收竈鹽又以淮北加引
銷滯課絀乃減新引十六萬道給還新商票費銀三十
二萬兩北鹺至今賴以不做者國荃減引之力也河南
汝甯府故淮岸軍興來蘆私侵占久矣國荃移書豫帥
遣員開拓會蘆商淮商構訟乃馳檄三省派員會勘界
始定復開徐淮食岸不行則減釐借本以濟之楚督聞
法警加淮釐每斤二文充江防費國荃則設局宜昌加

川釐每斤三文以相敵宜昌加釐局自此始應鹽浸淮
界畫三縣爲膏釐地俾無相妨國荃念淮鹽新章屢經
興革議修兩淮鹽法志屬前山西冀甯道王定安設局
續行修纂總督劉坤一繼之閱兩載稿成一百六十卷
而國荃不及睹矣卒年六十有七

贈太傅謚忠襄入祀京師昭忠賢良祠並於湖南原籍江南
省城建立專祠此外立功省分准其一併建祠

兩淮鹽法志卷一百三十八